



Sakspapir

Sakshandsamar	Arkiv	ArkivsakID
Jan Torry Sande	FE-027, FE-056	21/154

Saksnr	Utval	Type	Dato
033/21	Formannskapet	PS	13.04.2021
	Kommunestyret	PS	

Regionalt samarbeid om digitalisering i Vestland - DigiVestland

Vedlegg:

20201218 Referat styringsgruppemøte - utkast

Fordelingskostnader DigiVestland

Avtale Regionalt Digitaliseringsarbeid

Saksutgreiing:

Digi Vestland er eit samarbeid mellom alle dei 43 kommunane i Vestland. Samarbeidet skal bidra til betre og meir likeverdige tenester til innbyggjarane.

I mars 2018 inngjekk dei ti første kommunane i Samordnet regional digitalisering Hordaland (Digi Hordaland) ein samarbeidsavtale. Samarbeidet vart seinare utvida til å omfatte alle kommunane i Hordaland. I 2020 vedtok styringsgruppa å endre namn til Digi Vestland, og søke samarbeid mellom alle kommunane i det nye fylket.

Det overordna effektmålet for Digi Vestland er: «Ved å gå saman i eit digitaliseringssamarbeid skal kommunane kunne handtere og utnytte den digitale utviklinga. Vi skal tilpasse dei nye løysingane i fellesskap, og ta dei raskt og effektivt i bruk. (www.digivestland.no)»

Fedje kommune er ikkje med i Digi Vestland. Fedje kommune er med i det interkommunale samarbeidet Nordhordland digitalt som førebels dekkjer behova for kommunen på dette feltet.

Vurdering

Digi Vestland har ein viktig målsetnad. Kommunar som ikkje heng med i den digitale vert fort hengande etter, og faren for at det vert «A» og «B» kommunar er til stades. Samstundes er Fedje kommune med i mange kommunale samarbeid, og kva som er den beste måten å nå målet på er ikkje sjølv sagt.

All digitalisering inneber kostnader. Det inneber både økonomiske kostnader, og kostnader med omsyn til bruk av administrativ tid. I referatet frå styringsgruppa 18.desember 2020 står det: «Det er krevende, spesielt for mindre kommuner, å involvere seg innenfor alle de tiltak og områder Digi Vestland sine faggrupper og portefølje favner. Det skal derfor arbeides for å styrke områdeeiernes evne til aktiv koordinering og informasjonsformidling». Rådmannen vurderer difor situasjonen slik at det kan vere nyttig å vente med eventuell deltaking til drifta av Digi Vestland er meir tilpassa mindre kommunar sine behov og mogelegheiter. «Avtale knytt til regionalt digitaliseringssamarbeid» skal



Fedje kommune

evaluerast 1.halvår 2023.

Folkehelse: Deltaking kan ha ein gevinst, men den er ikkje kjent for administrasjonen enno.

Miljø: Deltaking kan ha ein gevinst, men den er ikkje kjent for administrasjonen enno.

Økonomi: Deltaking inneber utgifter for Fedje kommune. Utgiftene, ved deltaking, for Fedje kommune var i 2020 sett til kr. 110960,-.

Konklusjon

Rådmannen vurderer situasjonen slik at det kan vere nyttig å vente med eventuell deltaking til drifta av Digi Vestland er meir tilpassa mindre kommunar sine behov og mogelegheiter.

Forslag til vedtak:

Fedje kommune vert ikkje med i samarbeidet «Digi Vestland» ved dette høvet.